

SAMOA

Faatulagaina o Aiaiga

- | | |
|--|--|
| <p>1. Igoa puupuu ma le amataga</p> <p>2. Faamatalaina o uiga o upu</p> <p>3. Gaoioiga tau faiga-faiva i upega faatafea</p> <p>4. O vaa e faaaogaina upega faatafea e le mafai ona</p> | <p>ulufale mai i totonu o taulaga o Samoa</p> <p>5. Faaaogaina o le Vaega VI o le Tulafono o Faiga-Faiva 1988</p> <p>6. Tulafono Faatonutonu</p> |
|--|--|

1999, Nu. 12

O SE TULAFONO e faasa ai le faatinoina o faiga-faiva i upega faatafea i totonu o ogasami uma ia ua pulea faale-tulafono e Samoa ma i totonu o le vaega o lo o aofia i le Feagaiga i Ueligitone. *[30 Iuni 1999]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Faiga-Faiva (Faasaina o Faiga-Faiva i Upega Faatafea) 1999.

(2) O lenei Tulafono o le a amata faamamaluina i le aso o le a tuuina i ai le maliega a le Ao o le Malo.

2. Faamatalaina o uiga o upu-(1) I totonu o lenei Tulafono, ae vagana e ese se faamoemoe e ono aliai mai:

“Feagaiga” o lona uiga o le Feagaiga i Ueligitone mo le Faasaina o Faiga-Faiva i Upega Faatafea Uumi i totonu o le Pasefika i Saute:

“Upega Faatafea” o lona uiga, i le noatia ma le fai fuafua i so o se Tulafono Faatonutonu ua faia i lalo o le fuaiupu 6, o upega faalavea po o isi upega po o le tuufaatasiga o ni upega e sili atu i le 2.5 kilomita le umi, o le faamoemoe e faapea, e pue ai, mailei ai po o le faalavea ai o ia i le faatafetafea i luga o le fogatai o po o i totonu o le sami:

“Gaoioiga tau faiga-faiva i upega faatafea” o lona uiga, i le noatia ma le fai fuafua i so o se Tulafono Faatonutonu ua faia i lalo o le fuaiupu 6 –

- (a) Pueina, aveina po o le aoina o ia i le faaaogaina o se upega faatafea;
- (b) Taumafai e pue, ave po o le aoina o ia i le faaaogaina o se upega faatafea;
- (c) Auai i so o se gaoioiga o lo o faamoemoe e ono mafai ona pueina, aveina po o le aoina o ia i le faaaogaina o se upega faatafea, e aofia ai le sailia ma le faailoaina o ia o le a aveina i luga o lona faiga;
- (d) So o se gaoioiga i le sami e lagolago ai faiga-faiva tau upega faatafea, po o le tapenaga mo so o se gaoioiga ua faamatalaina i lenei parakalafa, e aofia ai gaoioiga i le faatulagaina, saili mo po o le toe mauaina o pole fagota po o mea e fesootai ma tulaga faa-eletoroni e pei o leitia faailo;
- (e) Faaogaina o vaalele faasino i gaoioiga mo le faaaogaina i faiga-faiva tau upega faatafea ua faamatalaina i totonu o lenei parakalafa, ae vagana ai mo malaga i faalavelave faafuasei e aafia ai le soifua maloloina po o le saogalemu o le auvaa po o le saogalemu o le vaa; po o

(f) Felauaiga, toe utaina i luga o isi vaa, faatulau-eleeleina, po o le faagaoioia o so o se ia e pueina e upega faatafea, ma le galulue faatasi i le tuuina atu o meaa, suauu ma isi oloa i vaa ua faatotogaina mo po o auai i faiga-faiva i upega faatafea.

“Vaa o Samoa” o le a i ai uiga tutusa e pei ona i ai i totonu o le Tulafono o Vaa 1998:

“Vaa” o le a i ai uiga tutusa e pei ona i ai i totonu o le Tulafono o Vaa 1998.

(2) O faamatalaga uma ua tuuina atu i upu i totonu o le Tulafono o Faiga-Faiva 1988 o le a faaaogaina i upu ua faaaogaina i totonu o lenei Tulafono, ae vagana e ese mai ai se faamoemoe e aliai mai.

3. Gaoioiga tau faiga-faiva i upega faatafea-(1) E leai se vaa e tatau ona faaaogaina mo, po o le fesoasoani i so o se gaoioiga tau faiga-faiva po o le umia po o le i ai i luga se upega faatafea, i totonu o ogasami fagotaina o Samoa.

(2) E leai se tagata e tatau ona auai atu po o le fesoasoani i gaoioiga tau fagotaga o upega faatafea i totonu o ogasami fagotaina o Samoa.

(3) E le tatau i se vaa o Samoa -

(a) Ona faaaogaina mo, po o le fesoasoani i ni gaoioiga tau faiga-faiva o upega faatafea i totonu o nofoaga o lo o aofia i le Feagaiga; po o

(b) Umia po o le i ai i luga o le vaa se upega faatafea a o i ai i totonu o nofoaga o lo o aofia i le Feagaiga.

(4) E leai se tagatanuu o Samoa e tatau ona auai atu po o le fesoasoani i so o se gaoioiga o faiga-faiva o upega faatafea i totonu o nofoaga o lo o aofia i le Feagaiga.

(5) A fai o so o se vaa fagota ua faaaogaina e tetee atu ai i lenei fuaiupu, o le tagata o lo o umia, aliivaa ma le tagata na te totogifuapauina ua faia taitoatasi se solitulafono ma e tatau ona noatia i luga o se moliaga ua faamaonia faale-tulafono i se faasalaga e le silia i le 10,000 vaega o faasalaga po o i se vaitaimi e nofosala ai i le falepuipui e le silia le 7 tausaga, po o i ia faasalaga uma e lua.

(6) O tagata uma e tetee i le faafuaiupu (2) po o le faafuaiupu (4) ua faia se solitulafono ma e tatau ona noatia i luga o se moliaga ua faamaonia faale-tulafono i se faasalaga e le sili atu i le 250 vaega o faasalaga po o le nofosala i le falepuipui mo se vaitaimi e le sili atu i le lua tausaga, po o i ia faasalaga uma e lua.

4. O vaa e faaaogaina upega faatafea e le mafai ona ulufale mai i totonu o taulaga o Samoa-(1) E leai se vaa e tatau ona ulufale mai i totonu o se taulaga o Samoa o lo o auai po o le faatotogaina e auai atu i, po o e faapea o lo o umia po o lo o i ai i luga o le vaa se upega faatafea.

(2) A fai o so o se vaa ua faia se tetee faasaga i leni fuaiupu, o le o lo o umia, aliivaa ma le tagata o lo o totofuapuina le vaa ua faia taitoatasi se solitulafono ma e tatau ona noatia i luga o se moliaga ua faamaonia faale-tulafono i se faasalaga e le sili atu i le 1,000 vaega o faasalaga po o le nofosala i le falepuipui mo se vaitaimi e le sili atu i le lua tausaga, po o i ia faasalaga uma e lua.

5. Faaaogaina o le Vaega VI o le Tulafono o Faiga-Faiva 1988 – O le Vaega VI o le Tulafono o Faiga-Faiva 1988 o le a tatau ona faaaogaina i lalo o leni Tulafono ma faasalaga uma ua faia i lalo o le fuaiupu 3 ma le fuaiupu 4.

6. Tulafono Faatonutonu-(1) E mafai e le Ao o le Malo, i luga o le fautuaga a le Kapeneta, ona faia tulafono faatonutonu mo le faamoemoe o le tauaveina po o le faamamaluina o aiaiga o leni Tulafono.

(2) E aunoa ma le faatapulaaina o le tulaga aoao o le faafuaiupu (1), e mafai e Tulafono Faatonutonu ona tuuina mai ni faamalamalamaaga faaopopo o faatinoga o faiga-faiva ua faamoemoe e ta aofai e leni Tulafono i le aiaia lea o nisi faiga talafeagai, po o faamatalaga auiliili po o faamatalaga o faatinoga ma meafaigaluega e faaaogaina i ia faatinoga, e faapea e mafai ona avea o ni “o faiga-faiva o upega faatafea” ma “gaoioiga tau faiga-faiva o upega faatafea”.
